

重慶府縣志輯⑥

中國地方志集成

光緒四川綦江續志

道光江北廳志

民國創修北碚志緣起

乾隆永川縣志

光緒永川縣志（一）

中國地方志集成

重慶府縣志輯 ⑥

光緒四川綦江續志

道光江北廳志

民國創修北碚志緣起

乾隆永川縣志

光緒永川縣志（一）

第六冊目錄

光緒四川綦江續志·····	一
道光江北廳志·····	一一五
民國創修北碚志緣起·····	四一三
乾隆永川縣志·····	四二一
光緒永川縣志（一）·····	四九七

緒光

四川綦江續志

清·戴綸喆 纂修

民國二十七年刻本 四卷

四川綦江續志目錄

卷一

付梓弁言

原序

補序

付梓凡例

輿圖

沿革諸考

城池附場市

四川綦江續志

卷一

目錄

一

山川

綦江水道考

寨堡

津梁

寺觀

邱墓

古蹟

卷二

鹽茶附精製

物產

學校

三費附存條所
書院規程

兵事附軍需

縣志

祥異

卷三

官師表

選舉表

筮仕表

四川綦江續志

卷一

目錄

二

政績

人物上列傳附僑寓
仙釋

卷四

人物下列女

藝文

雜記

補遺

宣統綦江續志付梓弁言

時有盛衰，事有同異。朱考亭作綱目，綱師春秋，目仿左氏，褒貶甚嚴，或不嚴則變亂是非，終清真贗。帝曹魏而寇蜀漢，帝朱梁而寇河東，武后之年宜黜，而繫中宗之號，宜繫而黜，朝代混矣。屈原四皓削之，揚雄荀或取之，人品清矣。既失春秋勸懲之法，千載下曷有定評？當代而有董南之筆，則紀載宜傳焉。吾綦吉雙戴先生，品優學粹，經前趙明府聘修縣志，稿成移縣府，以鼎革遺先生復搜殘編彙志之，其間書時書地書人書物諸類，皆

四川綦江續志

卷一

付梓弁言

一

徵文考獻，秉以大公，全豹雖未窺，而一斑已可見。蓋信史也。東溪兩校長田君斗寅、金君倬翔，聞而惜之，乃求於先生，括嗣兩茂才、魯周承階，出其遺稿，寄舍弟肇基參閱，加凡例同人籌備板資。付梓後，有作者知先宣以前有春堂羅先生前編開之於首，繼此有先生續編紹之於後，一朝之天時人事、匪縣之文物典章，胥於是存，可為觀風化、續通志者之一助。抑尤有進者，培在綦城第三次任賑務時，得見子厚周君志稿，亦鴻博，或謂有先生志，奚用周志為？蓋先生志清時也，周志民國時也。

皆不可闕也。史鑑起用金履祥、劉恕所輯，訖用陳樞商輅所著，以補周威烈前宋元後所未載，以時異事異，必待人而傳，今亦此例也。然周志尚待鑒定，足見吾綦先後人材之蔚起云。

民國二十四年乙亥冬

後學兩皋危道培謹識

四川綦江續志

卷一

付梓弁言

二

綦江續志叙

國史所以垂憲制也家乘所以別世系也邑志所以考
關塞之險阻生產之蕃庶政治之得失人文之盛衰俾
牧民者於以資考鑑而扶利弊也然則志之關係不綦
重歟古者土訓治地圖誦訓掌邦志以觀民風以作地
俗由來尚已矧今科學闡發新機銳啟濤奔波湧一日
萬變上下數千年神通化裁之妙快詭譎變之奇眩目
而賊心角力而關智可謂盡矣不有紀載遺之探討故
步自封事非大愚吾綦當川黔之衝地形阨險英雄用

四川綦江續志

卷一

付梓序

三

武之地也絲麻鹽鐵布帛之利舟車往來商賈換重資
而出於途者肩相摩踵相接也舊有縣志剏自鄉賢羅
春堂先生續紀補修屢有增輯最後鄉先達戴公子仁
重為編纂書成十餘年未付梓民國十二年余長縣教
育局商其舊稿刊先生遺稿平以匪亂未果越明
年余服官黔中途去鄉里遂未問及然於簿書之暇念
及鄉中文物未嘗不三致意焉癸酉歸自黔適周子厚
先生專志脫稿縣府集會核議列余審查適有遠行舉
張兆五茂才以代今閱周志又不果發刻屢作屢輟迄

未成書國府成立徵取各直省縣志用備考東溪兩
校長田君斗寅金君偉翔暨鄉紳危師雨皋與其弟肇
基懼文獻之無徵復取戴志原稿寄余校對囑付剏
時余服務四川第七區行政督察專員公署得稿喜極
暇輒考校一存其舊斯志也存書在三十年前中經喪
亂散佚無復存者戴公一再蒐輯殘缺續成斯帙是殆
天之未喪斯文歟抑孝子悌弟賢媛烈婦幽人逸士之
精誠未泯有以默啟之而護佑之歟嗟乎所關大矣因
亟鐫板以餉讀者若夫民國以還變遷日劇萬態森列

四川綦江續志

卷一

付梓序

四

不有增補奚以為稽鄉之賢達其有意於斯乎不禁跂
予望之矣

民國二十四年乙亥秋七月前任貴州都江縣縣長邑

人陳京懷拜撰

四川綦江續志原序

壬辰冬自東河改教歸來適有續修縣志之役初邑侯趙公默齋以山長吳子春師者年漸學窮事編輯子春師推楊建亭先生蓋先生素精古史義法者不意受事未匝月而病自是言於趙公以屬誌辭解先生曰何辭為馬班卒業繼起有人子之父嘗從事也子不當為康退山耶予唯唯子用是竊有感於昔先大夫於縣志別有點定稿藏於家自黔歸檢之不得每言及為之不怡者累日嘗進誌而言曰爾亦知志者史之派乎周禮外

四川綦江續志

卷一

原序

一

史掌四方之志列國中如周志鄭書晉乘楚檣枕以及晉董狐齊大史楚倚相之所掌孔子所得之百國寶書胥是物也唐宋後志體日密其書既并史而重亦有時較史而難何也史悉一代掌故期於簡該而志則上下古今務詳盡史討論勝國事於其人無甚親疏恩怨而志則非請託即顧忌文徵文考獻易為力即軍國大事前人多議及之而志則囿於一隅纂述寥寥採訪者又不無疏略淆亂於其間史多專家即官修亦就其優為篇之稿而志則倉猝責成一二人此所以方志之罕善

本歟雖然在人耳夫以志事之不欲其死雖固矣顧時一移則習一變代愈降則事愈繁又自然之勢也苟徒事於簡而曰取法乎武功等志與章文物闕逸滋多我既歎與而志後之人復何由按籍而稽乎欲言志於今日有不得不求其詳贍者也果其勤搜冊府旁採遺聞舉一切足備要刪者悉約之以體例無公牘氣無帖括氣無小說氣無經生氣質而不俚華而不緝詳略去取不陋不支原原本本事信言文世將視為蘭臺之選也顧不重歟予嘗兩次補修時以意見多歧歲月過促向

四川綦江續志

卷一

原序

二

所私記未敢出以質人而不料此稿之竟佚也數十年心血付之灰燼予心憾焉爾其識之母忘曾幾何時有倍覺其言之痛者誌雖謫劣何用固辭嗟夫以韓文公八代起衰之手於馬班誠無多讓猶歷舉古之罹禍者深為畏懼有以見此事之不輕執筆者然孫盛作晉春秋不暇為利害計而孫樵亦以明不顧刑辟幽不見神怪為史官事非矯枉也彼其意蓋以為任其事之不得辭其咎耳不然利紙筆為私書既貼柳州之誦而廢心忿好冥昧見欺又將為安石所鄙是直可燒之書也志

下於史乎其可誣乎誌衣食奔走未嘗學問今後株守鄉閭無書足資考訂於前志可續者續之無可續與不能續者置之忝膺斯寄內愧滋深擬拾補苴良多疵類先大夫所云已有不能慰其志者况能求合於古人之轍哉釐而正之是所望於後之君子也已閱時凡數月邑侯於趙公後經鄭公筱吟而竣書既成為書其原始而歸之采訪所及安里陳雲九茂才為詳餘不著光緒十九年歲次癸巳秋吉雙戴綸誌謹識於半規半矩之室

四川綦江續志

卷一 原序 三

又序

戊申歸自印州知此志未刻急用收回後為邑侯顧公浩臣借閱忽經改易之變此志遂失已無人問及之矣年來家居無事搜檢殘稿重輯此本並補至宣統三年而止題曰宣統綦江續志以終一代之運雖其間散佚者多甚有全類并失者無從再為采訪然數十年事大致略備未始不足酬予之素願焉嗟夫時勢至此良可歎也欲有人問及此事吾恐更無人矣永平有日姑留此以俟來者云甲寅冬綸誌再識

四川綦江續志付梓凡例

一此志為清代之書閱民國已二十四年其必刻之者以關係綦江數十年風土人事不刻則志廢志廢則志中所載綦事盡廢將使數十年文明之萃忽變而為晦盲故此志亡時人人憾焉茲既訪得亟亟無付梓謂為存綦可也計志共四卷後附補遺在內

一刻志於民國稱宣統綦江續志以志中記載上接前志下迄宣統未攔入宣統以後事又于仁先生

四川綦江續志

卷一 付梓凡例 一

之自定也古來以興朝論勝國事皆據其時代以列事實不妄為加損等於附會以成書今刻此志不易一字不增減一字以還其舊

一讀此志見先生苦心搜訪不遺餘力以證幾許經籍原序云采訪者惟安里陳雲九茂才為詳餘不著名則志中誤處或采訪者未加精考率爾彙報或原稿行間墨漫或又稿紙有關此次謄寫不能明辨則誤處不可以議作者

一此志先生脫稿後楷錄一部親交文昌官當之者


本願在十卷以上積厚亦至六七寸許自此卷今
失幸及先生之生及時搜訂此部其後序云散失
者多又云甚有全類并失者據此則先生於纂心
可謂苦且即此四卷亦足張綦江數十年掌故之
本勿以不全少之

一志後補遺竊謂何還可補補入者雖書內所無云
知不在散佚中或全類并失中今據人士所共知
又為宣統以前事以為補遺云爾總內載先生詩
若干首未敢言選謹就先生聽鵬仙館詩存題詞

綦事又足徵風烈以志景仰而示感發此八六
載鄉先生作亦先生志藝文意也

一此志原稿盡失有云邑宰顧浩臣携去有云邑人
取存其數十年後書出其家謂此志為其家紀載
坐收關心時事一代著手之英名此二說皆所勿
論他年原稿果出後來之彦幸取刻之以光綦乘
實今日付梓者所祝望也此志謄錄校對畢稿仍
交魯周誠齋兩茂才以還其家先澤

圖全縣汪縣



四川綦江續志卷一

邑舉人邛州司訓戴綸

沿革諸考

沿革為志乘要務一有未慎則諸多淆亂失所據矣前志於戊申重訂後已無遺議復何庸贅而茲必為之考及之者蓋欲佐以典籍而使後之博通者引而伸之益以無誤也已志沿革諸考

漢以前縣境為巴地考

夏有梁而殷周無梁禹貢雖指以為如唐宋之羈

四川綦江續志

卷一

沿革諸考

一

縻州是也雖指專以大江之北為梁域遵義府志駁之亦是然殷周雖無梁而巴則著于殷周之際按竹書武丁五十九年是時輿地南不過荆蠻帝辛五十二年周師有事於上帝庸巴從周疑已距周近屬周已久其所云武丁南不過荆蠻者固明明庸巴非殷有也巴之從周豈偶然哉其事自武王後始見於左傳桓公九年其後慎王五年秦司馬錯取巴執王置巴郡赧王三十八年楚莊躋將兵略巴蜀黔中以西會秦擊奪楚巴黔中郡此見

史記及華陽志者蓋慎王時秦既得巴而赧王時楚略巴蜀秦復奪還其地耳至漢高祖梁曰益乃始以巴屬益云夫綦固巴境也左傳注巴國在巴郡江州縣華陽志巴子時都江州又云漢世郡治江州是春秋至漢巴治皆在今巴縣治然也又華陽志西至犍道南極黔涪境界南北四千路史亦云西連犍道南極牂牁其界春秋戰國不改是春秋至漢其疆域之同亦然也黔與牂牁為今貴陽遵義二府地皆極綦之南境而綦又在今巴縣治

四川綦江續志

卷一

沿革諸考

二

南不二百里雖巴子時治墊涪治平都後治閬中想亦不出南北四千里外則縣境之自有巴以來為巴境也亦無不然矣況華陽志蜀志下江陽郡云東接巴郡南接牂牁巴志下涪陵郡云巴之南鄙西接牂牁北接巴郡其境既均接牂牁一南一西宜若毘連乃江陽不云接涪陵涪陵不云接江陽而皆云與巴郡接是當時巴雖南分涪陵而界實在涪陵江陽二郡間無疑矣遵義志謂今正安為古涪陵地桐梓四屬為古蜀地以今地考之南

州涪州與正安界連自是涪陵舊地合江納溪與仁懷界連自是江陽舊地而綦江江津又直漢巴郡江州地也此又漢既分三巴以後之界然矣疆域渺茫年代荒遠固未可執以一隅之見而究之山川境里舊籍可稽初何嘗不得其大概哉

唐宗南川縣考

唐宋之南川其治非一治其境非一境矣按元和志南川北至江津縣二百三十里焚溪在三溪縣西又經南川縣南四十步又寰宇記焚溪北流經

南川縣東南四十步流入大江是唐與宋初之南川治疑距今綦江治不遠矣宋志與宋朝事實乃謂皇祐五年置縣不知仍舊治否事實且謂尋廢南川為鎮而元豐志亦云元豐元年復置南川縣是皇祐後之南川治非既廢而後置即然復置時之南川境已非復曩時之境矣按元豐志南川九鄉榮訛開邊通安安穩歸正五鄉漆川一堡有松山得勝山七渡水以今地考之榮訛與今遵里青羊市近綦南交界處猶有前明榮訛廢鎮安穩

在今安穩壩古名猶存漆川即今遵里扶歡壩溪其地皆無可疑而輿地紀勝謂德成溪自寶山砦出關邊堡下流合鹽井江又謂南平軍西一里許渡溪而上於歸正壩鑄錢夫鹽井江今龍骨溪上流也南平軍今之趕水鎮也開邊堡在今永里歸正又確在今安里矣通安雖無考想不出四砦之間七渡水既云在南川也而元豐志復云隆化有七渡水一砦以今南川志謂在治東四十里證之意當時七渡水分轄兩縣而南川據隆化上流

也據是元豐後之南川今南川南境為多餘則縣東境東南境而已所云得勝山前志謂在今治東六十里固永里也所云松山前志列於遵里開去扶歡壩十許里亦於諸砦為近而方輿紀要乃謂今正安東南六十里曰東松山西南六十里曰西松山若松山果在正安則元豐後之南川治必在今正安地此紀勝所以謂今之南川在唐之南川縣東四百六十里歟是九鄉疑亦在正安地也况元和志所云南川縣南二十里之羅緣山而元豐

志屬之隆化即焚溪亦改屬焉是今綦江附近縣治之地又疑在當時隆化境內也縣境之變更不劃然而可考歟而要不得謂元豐後之南川為唐與宋初之南川矣惟前志載西門外古墓石刻大宋嘉定庚午南川縣逸士綦母震云云蓋宋季年仍移舊治歟大抵方輿諸志沿革不明經界未正則一時之事跡人物罔不乖謬然須取其時山川道里之所在博覽而詳審之而又必親歷其境得其形勢不為古人所愚始克無誤茲不過發其凡

以俟來者云

五代縣地考

五代時縣地之離合可見於五代史雖歐陽氏亂世文字不完時有廢省不可考究其詳而於其要未始不可考矣唐末代宗時黔中經略觀察使領播南珍等十二州綦固當時南州也按前蜀乾寧三年黔南節度使王肇以其地降建後蜀長興元年孟知祥遣袁彥超取黔州南州既領於黔州黔州降也取也豈南州而不降與取之耶況南州

距渝州近乾寧四年王建遣王宗侃等取渝州知祥於取黔州時亦曾遣王宗侃等取渝州是則南州之隸於前後蜀也明矣惟知祥未取黔以前郭崇韜取蜀而其間四年其地暫歸後唐故職方考於黔州下亦書後唐有云且建亦嘗責授南州刺史也然建雖責授而實未到其地按乾寧四年建自將攻東川昭宗遣李洵等詔建罷兵建不奉詔乃責授南州刺史李茂貞代建為西川節度使茂貞拒命乃復建官爵冬十月建攻破梓州知是時建攻

東川罷兵既不奉詔豈責授而奉詔耶所以是冬十月即攻梓州也則建之未到南州也亦明矣
宗南平軍屬廢縣考有序

地無中外率視時為緩急秦之南境在漢唐宋明皆要地漢為巴郡是後與夜郎鄰王家之南平軍碑目所列漢末諸碑有云漢溪吹角壩者皆在南唐初沒於南唐後亦於其地建漆州綦固亦於此等縣非繁雜地歟前明楊應龍之亂綦害甚李化龍行軍而後改置郡縣不聞更議邊防惟

宋南平軍之設閱時最久軍治在今趕水對岸距綦治百有十里當時頗多石刻賓佐之威號劇治焉自神宗時孫固蕩平三族熊本討平本斗徽宗時龐恭孫撫南平夷後雖事跡不詳於史而即其轄境之因革損益有為遵義府志及方輿紀要所考及者療務緩急可按而知未始非讀八索九邱者之一助也爰取列之

宋神宗熙寧八年以渝州南川縣銅佛壩地置南平軍領涪州之隆化縣渝州之南川縣及榮懿等砦

四川綦江續志

卷一

沿革諸考

七

徽宗宣和二年廢漆州及漆溪夜郎兩縣以漆溪此為名隸南平軍

並遵義府志

按資州通志夜郎在桐梓縣北七十里則今夜郎壩是也

三年廢帶水縣為城屬南平軍

按元和志帶水縣東至播州七十里方輿紀要在遵義府西北四十里又按遵義府志帶水即今洪江播州即今綏陽帶水在其西七十里則縣治當今長灘左右廢縣為城紀要沿明統志之說史記

明文

又降琅川縣為城隸南平軍

並方輿紀要

按紀要琅川即瑯川在仁懷縣東西

又廢播州為城隸南平軍時城在桐梓縣地

六年以播州城為播州縣仍隸南平軍

按遵義府志引通志播州廢縣在桐梓縣南三里

理宗端平三年復以白錦堡為播州縣仍隸南平軍惟治所非宣和所置之地

按遵義府志謂白錦堡在今府治南二十里以輿

四川綦江續志

卷一

沿革諸考

八

地紀勝南平軍在白錦堡為誤據是則南平軍屬境遠矣

嘉熙三年復設播州充安撫使即播州縣為州治

按是時播州已屬楊氏又重慶府志南川縣下及

南川縣志皆云嘉熙三年移軍來治元至正二十

一年軍廢而通志亦云是年以隆化為軍治不知

何據

寶佑六年復以播州縣地為鼎山縣隸南平軍

按遵義府志宣和所改之播州復改為鼎山者是

也又引桐梓縣賈志廢鼎山縣在城南十里據是則與前引通志謂播川在桐梓縣南三里不合然此第云縣地不云縣志或者名改而縣治亦更歟度宗咸淳末惟令桐梓地屬南平軍

按此專為遵義而言

元世祖至元十五年鼎山縣改隸播州

並遵義府志

二十三年廢南平軍入南川縣屬重慶路

紹興

附板楮七姓蠻考

曹學佺南平記引宋史渝州蠻者古板楮七姓

四川綦江續志

卷一

沿革諸史

九

之南平獠也云云寇宗重慶府志載其說於職官前志非之以為巴中渠岩等地而武備引宋史板楮古板楮七姓蠻句非之是也刪之非是也何也按宋史熙寧三年轉運使孫國等蕩平熟夷李光吉三以賓化砦為隆化縣隸涪州建榮懿扶歡兩蠻銅佛壩者隸南川縣後以他部族據有數出空邊本討平之建為南平軍以渝州南川涪州隆化隸馬通鑑渝州南川蠻木斗叛熊本撫之舉漆州地五百里來歸為四砦元堡建銅佛壩為南平軍其以南

軍為綦江固無足疑顧謂古板楮七姓蠻以去宋史似未深考也按後漢書板楮在黔中五溪長沙為蠻疆之後在峽中巴渠間為廩君之後而華陽國志所云板楮一曰夷胸膠廖仲藥何射虎再曰閬中范月從高祖定秦有功封侯夫黔中五溪長沙今貴州湖南北地也胸膠令雲陽也陝中今之夔府與雲陽接壤也巴渠閬中又今之川北地也其非南平軍也明矣宋史既誤於前曹冠等復誤於後此前志之有不得不辨者但引而不發而又刪之後人必疑板楮為諱而何諱乎夫南平之為夷境亦恒事耳漢晉以前地無專屬巴幣實錢未可確指唐書南川南川郡下書武德二年開南蠻置武德唐初也未置以前非南蠻乎唐書又云咸通以後漆州沒於蠻而太平御覽亦云漆州漆溪郡古蠻夷地貞觀二年開拓南蠻被南平蠻於黔州三年內數當即南蠻又按陳之熊林所計於榮懿縣立漆州南川南境耳據是則貞觀時開拓而咸通後復沒也漆州如此南州可知是唐末亦蠻地也況唐書於南平獠固明明謂南

四川綦江續志

卷一

沿革諸考

十